

# Greenland Promotion Board

## Greenland Promotion Board pilersissavarput?

Isummersorfissatut oqallisissiatullu siunnersuut, april 2001

Leif Iluanaarajuup aamma Expo 2000-ip malittaani siunnersuutigineqarpoq Kalaallit Nunaata nunani tamaginni maluginiarneqarnerata ataqatigiissaarfissaanik nukittorsarfissaanillu isumasioqatigiiffissamik pilersitsisoqassasoq. Suliniutip taassuma tunuliaqutai periarfissaalu atuagassiami matumani allaaserineqarput.

### 1. Siulequt

Ukiuni kingulliunerusuni Kalaallit Nunaat nunat tamat akornanni kusanartumik malunniuteqarsimavoq:

Kujataani Leif Iluanaarajooq  
Tysklandimi Expo 2000  
Assammik arsaalluni Nunarsuarmi Pissartannngorniuinnerit  
Expo-p nalaani Københavnimilu amernik atisalianik takutitsinerit  
Takornariaqarneq pillugu Danmarkimi sunniinniarneq aamma  
Sirius 2000.

Nunarsuarmi tamarmi ingerlaatsit arlallit ilisimaneqarnitsinnut iluaqutaasussatut toraarsipput:

Pinngortitaq avatangiisillu pillugit eqqumaffiginninnerulerneq  
Nunap inuiinik soqutiginninneq taakkulu ”piviusuunerat”  
Angalanikkut timersornikkullu pikkunartunik misigisaqarnissamik kissaateqarnerit aamma  
Ammit akuerineqarneruleriartornerat, akuerisaasutut pilerinartutullu.

Tunnngaviumik ingerlaatsit tamakku pisunit aalajangersimasunit sakkortusarneqarput,  
minnerunngitsumik inuussutissalerinerup iluani:

Nersussuit nappaateqarnerat - ”perlerornerat”  
Salmonella aamma  
Qulliarnermik nappaalanerit.

Tamakku periarfissippaatigut imaannaanngitsunik misigisassarsiortitsisinnaasutut kiisalu  
inuussutissanik akuugaanngitsunik peqqinnartunillu tunniussisinnaasutut  
malunnaateqarsinnaanissatsinnut.

Taamaalilluni Kalaallit Nunaata piukkunnaateqarnera pitsaaqaaq - ukiorpanngulersuni aatsaat taama  
pitsaatigisumik. Suliffeqarfiit minnerit annerillu, pisortat aamma soqutigisaqatigiit kattuffiillu  
Kalaallit Nunaata pilerisaarutigineqarnerani annertuumik suliaqarput.

Iliuseqaqqinnerusariaqarpugulli?

## **2. Nukiit maangaannartitat?**

Suliniutit iluatsitsiffiusimarenermittulli taamatorluinna tamalikaartigalutillu ataqatigiissaarneqanngitsigaat:

Leif Iluanaarajuup nalliussineqarnerani misilittakkat pitsassuit ingerlateqqinniarlugit katersorneqanngillat

Expo 2000-imi peqataanerput nalaatsornerinnarmik iluarsineqarpoq - iluatsilluaraluartorlu - aaqqiipallannertut isumaqarnarsorinarpoq

Assammik arsaannermi Nunarsuarmi pissartanngorniunnermi peqataaneq imaluunniit inuussutissat pillugit ajutoornerit soqutigisaqaqatigiit arlaataluunniit malitseqartinnngilaa siunertalimmik attaveqaqatigiissitsinikkut imaluunniit pilerisaarinikkut.

Periarfissat takkukkaangata iluatsinniartanngilagut.

Kalaallit Nunaanni suliffeqarfiit siunertanut assigiinnngitsunut aningaasanik katersuiniarnermi qinnuteqaatinik amerlasoorsuarnik nassinneqartarput. Qinnuteqaatit tamakku ima kingusitsigisumik takkukkajuttaarput, aatsaat soqutiginartut ingerlanneqareeraangata, imaluunniit ilaannakortuinnarmik atorluarneqarsinnaallutik.

Allatut oqaatigalugu: Periarfissatsialassuit annaajuarpagut ataqatigiissitsinerit, ataatsimoortumik pilersaarusernerit, pikkorissutsit sulinermilu ataavartuutitsinerit amigaatigineqartuarmata.

Taamaattoqartillugu isumasioqatigiiffissaq atorfissaqartinneqarpoq. Tamatumani najoqqutassat taaguuserneqarpoq "Greenland Promotion Board".

## **3. Atorfissaqartitanik katersineq**

Greenland Promotion Board-<sup>2</sup>ip suliassarissavaa atorfissaqartitanik angusanillu pioreersunik katersinissaq, Kalaallit Nunaannilu tamanut iluaqutissanngorlugit atorluarnerussallugit: Suliffeqarfinnut, inuiaqatigiinnut innuttaasunullu.

Suliassarineqassaaq Kalaallit Nunaata qitiusumit malunnartinniarneqarnissaa pilerisaarutigineqarnissaalu, tassa tusaamaneqarnerup pilerisaarutigalugu siuarsarneqarnissaa. Taamaalilluni suliffeqarfiit ataasiakkaat imaluunniit soqutigisaqaqatigiit pilerisaarisarnerat Greenland Promotion Board-ip arsaarlugit ingerlatilerniarsarinianngilai, taakkununnngali tapertaasutut atuutissalluni.

Greenland Promotion Board-<sup>2</sup>ip pilersinniarneqarnerani isumaavoq allattoqarfeerannguunissa, siunertatut suliassarissallugit suliniutissanik aallartitsiniarnerit, ataqatigiissarinerit aqutsinerillu. Allattoqarfik suliassanik nammineerluni annikitsuinnarmik ingerlatsisassaaq, kiffartuussinerillu amerlanersaat naammassitinniarlugit akiliuteqarnikkut isumagitittassallugit.

Pissusissamisuussaaq allattoqarfik soqutigisaqaqatigiinnut pioreersunut atatillugu pilersinneqarpat, soorlu Greenland Tourism, Greenland Resources imaluunniit Sulisa. Taamaalilluni ilisimasareriikkat, allaffissornikkut sullinneqarneq, allaffiit aamma IT iluatsinneqarsinnaallutik.

Erseqqissassalluguli pingaaruteqarpoq Greenland Promotion Board immikkoortortaassammat namminersortoq, immikkut aqutsisoqarfeqarluni, aningaasaqartinneqarluni

naatsorsuuteqartinneqarlunilu - soqutigisaqaqatigiit allat ataaniittussaananani. Naatsorsuutigineqarpoq allattoqarfik angissuseqassasoq inunnik ataatsimik-marlunnik sulisoqarluni.

Greenland Promotion Board immikkoortortaassaaq mikisoq piumassuseqarfiulluni sunniuteqarsinnaassuseqarlunilu, imaattussaassananilu soqutigisaqaqatigiiffik nutaaq asuliinnaq aningaasartuuterpassuaqarluni pilersinneqartoq.

#### **4. Suliassat**

Kalaallit Nunaat malunnaatilittut pilersaarutigineqassaaq. Malunnaatilik - imaluunniit "naqissut" - tassaavoq nioqcutissaq allanit pilerinarnerulluni immikkuullarissoq, pisisartunit (uani Kalaallit Nunaata avataaneersut tamarmik) pitsaassutsimik pitsaaneruseqarnermillu pitsaaneruseqarfigineqartussaqaq. Piginnaasanut tamakkununga naatsorsuutiginninnerni pisisartoq "pilliuteqarnerunissamik" piumassuseqalertissavaa (aningaasat, ilalernartitsineq, akuersorneq) tunisassianut assersuunneqarsinnaasunut naleqqiullugu.

"Naqissut pitsaaneq" Kalaallit Nunaannut tunisassianut periarfissanullu kiisalu kiffartuussutinut aalajangersimasunut pitsaaneruseqarfigineqartussaqaq, aammali suliffeqarfinnut tamanut kiisalu inuaqatigiinnut ataatsimut isigalugu pitsaasumik iluaqutaasumillu sunniuteqassaaq.

Greenland Promotion Board-ip suliassat makku ataqatigiissaarlugillu naammassiniartassavai:

Nunat tamat akornanni malunnartinniakkani pilersaarutini annertuneruseqarfigineqartussaqaq - nunarsuaq tamakkerlugu saqqummersitsinerit, nuisitsinerit assigisaallu Nunat tamat akornanni malunnartinniakkani immikkuullarinneruseqarfigineqartussaqaq, Kalaallit Nunaannut soqutiginaatilittut nalilerneqartuni peqataanerit, soorlu suliaqarfisigut nuisitsinerni.

Greenland Promotion Board-ip suliassarissavai nammineeqluni peqataanissaminut isumaginninneq imaluunniit suliffeqarfiit ataasiakkaat, pisortat, soqutigisaqaqatigiit kattuffiillu ataatsimoorussamik peqataanissaannik ataqatigiissaarineq. Allat peqataanissaannut annikinneruseqarfigineqartussaqaq ikiuunneq tapersersuinerlu.

#### **Iisimaneqarnerup pilersaarutigineqarnera**

Nunani tamani tusagassiuutitigut pilersaarinerit, sunniiniarnernut pilersaarutaareersunut atatillugu imaluunniit aaqqissuunneqareersut pereersimasullu aalajangersimasut malitseqartinniarnernut atatillugu.

Greenland Promotion Board-ip suliassarissavai sunniiniarnernut suliniuteqassalluni aningaasaliissallunilu. Pisariaqartitsineq periarfissaqarnerlu naapertorlugit "peqataagasuarsinnaanikkut" piareersimatitsilluni.

#### **Tusagassiuutinut attaveqarneq**

Nunani tamani tusagassiuutinut attuumassuteqarsinnaasunut piumassuseq malillugu saaffiginnittarnerit:

Eqqartuinerit Kalaallit Nunaannut tunngasut malersorlugit - pitsaanngitsut pitsaasullu - pimasut ataasiakkaat aallaavigalugit naliliisarnikkut Tusagassiuutinit tusagassiortunillu saaffiginninnerit tikeraarnerillu ikiuuffigalugit.

”Kalaallit Nunaannut tunngasuni” eqqarsaatigineqarput, suulluunniit tamaasa Kalaallit Nunaata maluginiarneqarneranut tamatigoortumik naliliinermut tunngasut, Kalaallit Nunaat pillugu eqqartuinerinnaanngitsut.

Greenland Promotion Board-ip suliassarissavai piumassuseq malillugu suliniuteqassalluni naammassiniaassallunilu: Sammisat attaveqarfissallu pillugit tusagassiuutinik isumassarsiortitsissallunilu ikiuutissalluni. Tusagassiuutinit eqqartorneqartarnerit nammineerluni malersuisarneq, tamatumani apeqqutit siunissamut tunngasut pingaarnerutinneqartassallutik. Tusagassiuutinit saaffiginninnerni tikeraartarnernilu ikiuuttarneq, pingaartumik paasissutissiineq attaveqarfissallu qitiutillugit.

### **Paasissutissiinermi najoqqutassat**

Kalaallit Nunaat pillugu paasissutissanik suliarinnineq nutarterinerlu - paasissutissat suliffeqarfinit suliaqarfinnillu allanit isumagineqanngitsut - tulluuttunik ilusilersukkat, soorlu naqitatigut, atuagassiatut kiisalu qarasaasiakkut, isiginnaagassiakkut tusaatitullu. Assersuutitut taaneqarsinnaavoq periarfissaqarmat This is Greenland-ip suliarineqarnera ingerlateqqinneqarsinnaammat, maannakkutut nutaamilluunniit ilusilerneqarluni, kiisalu paasissutissat pingaarutillit ataatsimut isigalugit, takornariartitsinermut naatsorsueqqissaarinermullu tunngassuteqanngitsut.

Kalaallit Nunaat pillugu saqqummersitsisarnerni najoqqutassat tamanut tunngasut suliarineqartarneri.

Greenland Promotion Board-ip suliassarissavaa Kalaallit Nunaat pillugu tunngaviumik paasissutissat pillugit suliarinnineq siammerterinerlu, suliffeqarfinit suliaqarfinnillu allanit isumagineqanngippata.

### **Ilisimasanik katersuineq ingerlatitseqqinnerlu**

Ilisimaneqarnerup siammartinneqarnerani suliassat ingerlanneqarnissaannut pisariaqartitani akisussaaffinnik pisariaqartitanillu inerisaaneq, nutarterinerit malinnaatitsinerillu.

Greenland Promotion Board-<sup>2</sup>ip suliassarissavaa suliassat tamakku suliarineqarnissaannut atatillugu aaqqissuussamik pisariaqartitanillu inerisaanerit naammassineqarnissaannullu suliaqarnerit. Tamakku inerisaqqittuarnissaannut takussutissarsiortuarneq. Piginnaasat suleqatigisanut siammarterlugit ingerlateqqillugillu.

### **Piginnaanngorsaaneq suleqatiginnerlu**

Nunanut tamaginnut akuliukkiartuinnarneq pillugu Kalaallit Nunaanni suliffeqarfiit sulisuinik piginnaanngorsaataaneq.

Nunanut tamaginnut akuliukkiartuinnarneq pillugu suliffeqarfinit peqataasunut misilittakkanik ineriartortitsisutut isumasioqataaffittut atuunneq.

Greenland Promotion Board-ip suliassarissavaa Kalaallit Nunaanni suliffeqarfinni, pisortani, soqutigisaqatigiinni, kattuffinni sulisut kiisalu ilinniartut piginnaasaqalersinniarlugit peqataatitarnissaat. Suliffeqarfiit, soqutigisaqatigiit, kattuffiit pisortallu peqataasut suliniuteqarnernut atatillugu piginnaanngorsaaneq aamma siunertaralugu misilittakkanik paarlaatseqatigisarnissaat.

## **5. Siornatigut takoreersimavarput?**

Ilissi, allakkiamik matumanga atuartussat, siunnersuutit tamakku qularnangitsumik ilisarissavasi. Siunnersuutit ilarpassui saqqummiunneqartareersimapput, allaammi siusinnerusukkut ingerlanneqareersimallutik. Imaluunniit soqutigisaqaqatigiit kattuffiillu pioreersut suliaasa ilaannut ilaatigut ilaallutik. Taamaattumik pissusissamisoorpoq aperissalluni: Greenland Promotion Board pillugu siunnersuuteqarnermi suut nutaarsiassaappat?

Pingaarnerpaat tassaapput:

Misiliinissap pimoorullugu aallartinneqarnissaa siunniunneqassaaq. Naammattunik aningaasaliisoqanngippat kiisalu suliniarfik aallaqqaataaniilli pikkoriffiusumik sunniuteqarsinnaassuseqartumillu ingerlanneqarsinnaassanngippat aallartinnissaq pisariaqassanngilaq.

Nukiit piukkunnartut tamaasa katersuutsinneqassapput - suliassaqalernermi aaqqiigallaannartoqartarnani

Siunniussanik aalajangersimasunik najoqqutaralugit suliarisassanik aalajangersaasoqarluni Sivikinnerpaamik ukiunut pingasunut naammattunik aningaasaliinissamik neriorsuisoqassaaq Isumasioqatigiiffik namminersorluni sulissaaq, allanik siunniussaqaqarnani imaluunniit pingaarnerutitaqarnani

Pisortanik aqqissuussisunillu angusanut akisussaaffilikkani pilersitsisoqassaaq

Suliniuteqartut piginnittullu suliffeqarfiit sulianut piumasaqaateqartut peqataatissavaat, kiisalu Pikkoriffeqartumik malinnaatitsinerit pilersinneqassapput ”piginnittunut” nalunaarusiortartussanik.

Isumaqaarlunnarpugut Greenland Promotion Board ingerlalluartoq - nukiit nunani tamaginni Kalaallit Nunaannik malunnarnerusunnngortitsisinnaasut katersuutsinerisigut - piffissap ukiut 3-5-it ingerlanerini ima angusaqarsinnaatigisoq, naatsorsuutigineqartut annertuut tamakkiisumik piviusunnngortissinnaallugit. Malugeqquneqarpoq nunat Kalaallit Nunaata imminut assersuuttagai isumasioqatigiinnik taamaattunik tamarmik pilersitsereersimammata, ukiuni kingullerni pingaartitanik sulianillu inerisitaqarnernik misigisaqarsimasut.

## **6. Aaqquissuussineq**

Greenland Promotion Board soqutigisaqaqatigiiffiusaaq namminersortoq, inatsisinik tunuliaqutaqarluni suliffeqarfittut pilersinneqartoq (A/S imaluunniit ApS), suliffeqarfik imminut pigisoq imaluunniit peqatigiiffik. Qanoq iluarsineqavinnissaa kingusinnerusukkut aalajangerneqassaaq.

Greenland Promotion Board namminerisaminik aningaasaateqartinneqartariaqarpoq, tamannali minnerpaaffissalerlugu aqqinneqartariaqarluni. Taamaaliornikkut tutsuiginassuseq, patajaassuseq pituttorsimangitsumillu iliuseqarsinnaassuseq qulakkeerneqassapput - aallaqqaammut ukiunut pingasunut. Soqutigisaqaqatigiiffik aningaasaliissuteqavittassanngilaq, taamaattumillu aningaasanik katersinissaq pisariaqartissanagu, taamaallaat ingerlatsinermi suliassanut annertunerusunut, aningaasaliissuteqarneq ukiunut arlalinnut pissusissamisoortumik isumagineqarpat, soorlu nunarsuaq tamakkerlugu saqqummersitsinermut peqataanissaminut.

Suliniuteqartut piginnittullu tassaassapput suliffeqarfiit, taamatullu pisortat, soqutigisaqaqatigiiffiit kattuffiillu, tamarmik aningaasaliissuteqarnermut peqataasartussat, ataaniittut takukkit.

Greenland Promotion Board namminersorluni ingerlatsisutut iliorlunilu paasineqassappat, siunertaqarluni siunertaminik naammassinninnartutut sulisutut isumaqarfigineqassappat, soqutigisaqatigiiffiup aalajangiisutut oqartussaaniittussat amerlanerit suliffeqarfinneersuusariaqarput.

Greenland Promotion Board aallaqqaammut sammisaqarfinit makkunanga aqunneqartussatut eqqarsaatigineqarpoq. Erseqqissaatigineqassaaq aalajangiisoqannginnerani aaqqissuuseriaaseq sukumiinerusumik misissuiffigineqaqqaassammat:

Ataatsimeersuarneq imaluunniit sinnisoqarfik oqartussaannersaapput aamma

tunnngaviumik suleriaasissanik aaqqiissaaq  
missingersuutinik, nalunaarutinik naatsorsuutinillu akuersissaaq  
siulersuisunik qinersissaaq

Piginnittunut sinniisaassaaq, ukiumullu 1-2-rialuni ataatsimiittariaqarluni.

Siulersuisut suliassat makku isumagissavaat:

ulluinnarni pisortat iliuusissatut pilersaarutaannik akuersineq  
qulaani taaneqartunik naatsorsuutinillu malinnaaneq  
suliniutinik annertunerusunik akuerinninneq, aamma  
ulluinnarni aqutsisunik atorfinitsitsineq

Siulersuisut inuttut piginnaasaqarfii naapertorlugit qinerneqartassapput, ukiumullu 4-6-eriarlutik ataatsimiittariaqarlutik. Pisussaaffiit akisussaaffiillu ilaat ulluinnarni aqutsisunut ikittunnguanut isumagittinneqarsinnaapput.

Ulluinnarni pisortaq: Allattoqarfimmi akisussaasutut atorfinitsitaq, sulianik isumaginninnermut suliarinnittoq.

Pisortatut, direktøritut, atuulluni ulluinnarni aqutsinnermut akisussaasoq. Naatsorsuutinut, takussutissanut akuersinnermut aningaasaliissutinullu suleriaatsinik iluarsisoqassaaq.

## 7. Aningaasaliiffigineqarnera

Greenland Promotion Board taamaallaat aallartinneqartariaqarpoq, aallaqqaammulli suliassanik aallartitsinissamut naammaginartumik inissisimasinnaalluni naammattunik aningaasatigut pilersorneqarsinnaappat. Ukiumut siullermut suliassat ima naleqarnissaasa inissisimanissaat nalilerneqarpoq:

Allattoqarfik (akissarsiat, allaffik, IT, angalanerit, siulersuisut)	1.000.000
Suliassat ingerlaavartut	1.500.000
Suliassat immikkoortut	1.000.000
Katillugit	3.500.000

Ukiunut tulluittunut aningaasaliissuteqarnissamik pisariaqartitat aatsaat aalaajangerneqarsinnaapput,

suliassat periarfissaasinnaasut kissaatigisallu itisilernerullugit allaaserineqarnerannut atatillugu.

Kissaatiginarpoq ukioq siullermi aningaasartuutit katinnerini aningaasat affaasa sinneri - tassa ikinnerpaamik 1,8 mio. kr. - suliffeqarfinit aningaasalersorneqarnissaat.

Agguaqatigiinnissamut siunnersuut imaassinnaavoq

Suliffeqarfiit (ataaniittoq takuuk)	2.000.000
Namminersornerullugit Oqartussat	1.000.000
”This is Greenland”-imut atatillugu nuussat	500.000
Katillugit	3.500.000

Suliffeqarfiit aningaasaliissutaat suliffeqarfiit ima agguataarnerat tunngavigalugu agguarneqassapput:

Suliffeqarfiit angingaatsiartut/peqataasut:	300.000,- kr ukiumut
Suliffeqarfiit annerit:	200.000,- kr ukiumut
Suliffeqarfiit minnerit:	50.000,- kr ukiumut
Suliffeqarfiit minnerit soqutigisallit:	10.000,- kr ukiumut

Kingusinnerusukkut aningaasaliinerni qularnanngitsumik apeqqutaassaaq, Namminersornerullutik Oqartussat amerlanerusunik aningaasaliisinaanerat, inerisaanermut isumaqatigiissusiornikkut imaluunniit anguniakkat aalajangersimasut eqqarsaatigalugit inniminniilluni suliakkiissuteqarnikkut inissinnerisigut.

### **Ilaasortaaneq**

Greenland Promotion Board-imut ilaasortaaneq (allatulluunniit ilusilerlugu piginneqataaneq) eqqarsaatigalugu najoqqutassaq tunngavigineqartariaqarpoq, Kalaallit Nunaanni suliffeqarfiit annerit tamarmik aningaasaliinermikkut peqataanerisigut, najoqqutassaq qulaani taaneqartoq tunngavigalugu.

Ilaasortaaffeqarneq ”minneq” suliffeqarfinit minnernut immikkut soqutigisaqartunut kajumissuseqartunullu inniminneertariaqarpoq.

Ilaasortaaffeqarnermi ”naqissut” kifpartuussutillu allat Greenland Promotion Board-ip inerisitali atorsinnaanerannut pisinnaaffiliissaaq. Tamakku atornissaannut pisinnaaffeqarnermut apeqqutaassaaq qanoq amerlatigisunik aningaasaleeqataasimaneq.

Taasisinnaanerit naapertuuttumik agguataarneqartariaqarput, aningaasat qanoq amerlatigisut tunniussimaneri qularnaarutigalugit kiisalu tamatumunnga ilutigitillugu soqutigisat ataasiakkaat imaluunniit aalajangiissutaasinnaasut amerlanerussuteqartinnginnissaat naleqquttumik qulakkeerlugit.

Greenland Promotion Board-ip pituttorsimanani aallartissinnaaneranut qulakkeeriniarluni ilaasortaaneq aallaqqaammut ukiunut pingasunut iluarsisariaqarpoq.

Piffissap taassuma kingorna angusarisat nalilersorneqassapput, tamatumalu kingorna ukiuni marlukkaartuni ilaasortaaffeqarneq ”ingerlaavartumik piffissalerneqarluni”. Tamatuma

nassatarissavaa suliffeqarfiit sulluunniit ukiunik marlunnik siumut ilisimatitseqqaarluni tunuarsinnaanerit, isumaqaraanni angusat pissarsiallu aningaasartuutitut naleqqiullugit naammagartutut isiginngikkaanni.

### **Qanoq ililluta ingerlaqqissaagut?**

Siunnersuut manna Kalaallit Nunaata ”nittarsaannissaanut isumasioqatigiinnik” aallartitsinissamut periarfissanut ilisarititsineruvoq, soorlu nuna allat tamangajammik taamaattunik peqartut assinginik.

Taamaattumik isumasioqatigiinnik pilersitsinissamut siunnersuutiviunngilaq.

Aalajangiinissaq taamaattoq sukumiinerusumik pimoorussinerullunilu misissorluarneqartariaqarpoq. Suliaq tamanna aallartittariaqarpoq, saqqummiussaq manna suliffeqarfinit pisortanillu saqqummiussiffigineqartunit akuersaartumik isummerfigineqarpat.

Oqallissaarutit imaasa saniatigut suleqatigiit immikkoortut apeqqutillu arlallit nalilersorsimavaat, misissueqqissaarnermut akissutinullu ilanngullugit suliarineqarsinnaasut.

### **10. Piffissaliussat**

Ingerlaqqinnissamut piffissaliussat imaapput:

Majip naalernera

Oqallissaarut Expo 2000-imi malinnaaqataasunut nassiunneqassaaq.

Junip aallartinnera

Oqallissaarut Kalaallit Nunaanni suliffeqarfiit immikkut toqqakkat pisortaannut saqqummiunneqassaaq, tassanissarlu Expo 2000-imi malinnaaqataasut akissuteqarlutik saqqummiussisinnaapput - allakkatigut imaluunniit peqataanermikkut.

Tassa anguniagaq siulleg: Isumaqataalluni isummernermit saqqummiussisoqarpat ingerlaqqittoqassaaq, taamaassanngippat suliaq unitsinneqassaaq.

Junip qiteqqunera

Oqallissaarut - qulaani taaneqartut oqaaseqaataat ilanngullugit - Namminersornerullutik Oqartussanut saqqummiunneqassaaq kiisalu suliffeqarfiit, soqutigisaqatigiit kattuffiillu immikkut toqqakkat siulersuisuisa siulittaasuinut.

Tassa anguniagaq tulleg: Isumaqataalluni isummernermit saqqummiussisoqarpat ingerlaqqittoqassaaq - taamaassanngippat suliaq unitsinneqassaaq.

Ingerlaqqinnissaq aalajangiunneqarpat misissueqqissaarinissamut aningaasanik pissarsiortoqassaaq, naatsorsuutigineqarluni avataanit ikiortissarsiorneqarnissaa.

Naatsorsuutigineqarpoq tamatumunnga aningaasartuutit 100.000, kr-nit missaanniissasut, eqqarsaatigineqarluni suliffeqarfiit annerit tunisinerisigut aningaasalersorneqassasooq, soorlu tamarmik 15.000,- kr.

Augustip naalernera

Misissueqqissaarineq ataatsimeeqatigiinnikkut peqataasunut saqqummiunneqassaaq kiisalu allaganngorlugu. Tamatuma kingorna suleriaasissaq aalajangiunneqassaaq, inaarutaasumik akuerineqarnissaanut imaluunniit siunnersuut itigartitsissutigineqarluni.

Tassa anguniakkat pingajuat: Isumaqaataalluni isummernermik saqqummiussisoqarpat ingerlaqqittoqassaaq - taamaassanngippat suliaq unitsinneqassaaq.

Septembarip naalenera

Inaarutaasumik aalajangiisoqassaaq peqataasunit avaqqunneqarsinnaanngitsumik neriorsuisoqarluni

Tassa anguniakkat sisamaat aalajangiiffiusussarlu: Isumaqaataalluni aalajangiisoqarpat suliaq aallartinneqassaaq - taamaassanngippat suliaq unitsinneqassaaq.

Oktober-november

Pilersitsilluni ataatsimeersuarneq

Januar-februar 2002

Allattoqarfimmik pilersitsineq; pisortamik atorfinitsitsineq sulianillu aallarnisaanerit

### **Suleqatigiissitat**

Greenland Promotion Board pillugu isumassarsiaq saqqummiunneqarpoq Kalaallit Nunaata Expo 2000-imi peqataanera pillugu naliliilluni Katuami januar 2001-imi ataatsimiittoqarnerani.

Ataatsimiinnermi suleqatigiissitanik pilersitsisoqarpoq, periarfissanik naatsumik allaaserinnittussanik. Naatsumik allaaserinninneq ataatsimeeqataasunut saqqummiunneqarpoq kiisalu suliffeqarfinnut, soqutigisaqaqatigiinnut, kattuffinnut pisortanullu attuumassuteqartunut, tunngaviusumik aalajangertoqarsinnaassalluni misissueqqissaarinerimik kiisalu siunnersuuteqarnermik ingerlatitseqqittoqassanersoq.

Suleqatigiissitat makkuupput:

Ivalo Egede, Tusagassiivik

Stig Rømer Winther, Greenland Tourism - Takornariaqarneq pillugu isumasioqatigiissitat

Finn Øelund, Grønlandsfly

Jan Boman, Boman Kommunikation (imaqarniliortoq)

Suliami ilanngussillutik suleqataasut allat:

Peter Holmen, Greenland Resources

Nuuk, april 2001